



Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliaq

### **Pineqartoq: Ilinniartut ineqarfii pillugit Inatsisartut inatsisaat allanngortinnissaata pillugu UPA2022/160-imut allakkatigut apeqqutit**

12-04-2022  
Suliap nr.  
All. nr. 19723994

Asasakka Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliami ilaasortat.

Postboks 1029  
3900 Nuuk  
Oqarasuaat: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Ataatsimiititaliaq 31. marts 2022-mi oqaluuserisassani immikkoortup UPA2022/160  
suliarineqarneranut Ilinniartut ineqarfii pillugit Inatsisartut inatsisaannut allannguutissanut  
siunnersuummut tunngatillugu apeqqutinut qutsavigaara.

Apeqqutigisat tullinnguuttuni saqqummersinneqarput akissuteqarfigineqarlutillu.

### **Apeqqut 1: Ukiuni kingullerni qaninnerni ilinniagaqarniartut Nuup avataani kollegiani initaarnissaminnut qassit itigartitaappat?**

**Akissut:** Apeqqut akisinnaaniarlugu Nuup avataani ilinniarfiusunut paasissutissanik  
aallertoqarpoq. Paasissutissat GUX Aasiannit, Teknikimik Ilinniarfik Sisimiunit Ilulissanilu  
Perorsaanermik Ilinniarfimmitt nassiunneqarput.

GUX Aasiaat ilisimatitsivoq, ilinniarnertuunngorniarfimmitt ilinniarniarlutik qinnuteqartunut  
akuerineqarsimasunut ilinniartut ineqarfiini ineqarnissamut itigartitsisoqarneq ajortoq.  
GUX Aasiaat ilisimatitsivoq, ilinniartut piffissap ilaani ilinniartut allat peqatigalugit  
ilinniartut ineqarfiini ineqatigiillutik inissinneqarallarsinnaasut.  
Ilisimatitsissutigineqarportaaq ilinniartut salliunneqartarmata, taamaasilluni ilaqtatt  
nassarlugit ilinniartitoqassappat ilinniartut inissiaannik inissaqartitsisoqalernermi  
ilanngunneqarsinnaasarlutik.

Sisimiuni Teknikimik Ilinniarfik (KTI) ilisimatitsivoq, ilinniartut avataaneersut tamatigut  
pisinnaasaq malillugu inissaqartinniarneqartartut aammalu qaqutigoortoq ilaqtariit  
ilinniariat itigartinneqartarneri.

Ilulissani Perorsaanermik Ilinniarfik/Socialpædagogisk seminarium SPS ilisimatitsivoq  
ukiumi 2020-mi ilinniartut 33-t, 2021-mi 60-it 2022-milu 7-it ilinniartut ineqarfiinut  
qinnuteqarsimasut itigartittariaqarnikuusmallugit.

### **Apeqqut 2: Kollegiat pillugit inatsimmi § 7 pillugu nalunaarusiornissaq qaqugu pissasoq Naalakkersuisut naatsorsuutigaat?**

**Akissut:** Naalakkersuisut maanna inissarsisitsinermi tullerijaarnermilu piumasaaqatitut  
nalunaarusiortoqarnissaa aallartisarpaat, tak. Ilinniartut ineqarfii pillugit Inatsisartut  
inatsisaat § 7.

### **Apeqqut 3: Maanna kollegiani ininik agguaanermi qanoq ilinniagaqarniartunik tullerijaarisoqartarpa?**

**Akissut:** Avataaniit ilinniarniarlutik qinnuteqarsimasut salliunneqartarput, tak. Ilinniartut ineqarfii pillugit Inatsisartut inatsisaat nr. 42, 12. december 2019-imeersumi § 1, imm. 1. Pisuni immikkut ittuni, tamatumani minnerunngitsumik pissutsini inunnik ikiorsiinissamut attuumassutilinni, inissaqartitsiniarnerup tamanna ajornartinggippagu, ilinniartunut avataaniit aggersuunngitsunut, ilinniartunut inissamik piffissami killilikkami ineqartitsisinnaapput. tak. § 1, imm. 3.

**Apeqqu 4: Ilinniarnermi unitsitsigallarnernut patsisaasut pillugit Naalackersuisut paasissutissanik katersuinissamik aallartitsiniarpat?**

**Akissut:** Aqutsinermi aaqqissuussineq ilinniartut ineqarfiinik tunniussisarnermi atornerqartartumi, maannamut sulingiffeqarallarnermut tunngatillugu meerartaareernermi sulingiffeqarneq, napparsimaneq allaluunniit tunngaviunersoq nalunaarsorneqarneq ajorpoq. Naalackersuisut sulingiffeqarnermut tunngaviusartut pillugit paasissutissanik aallersinnaanermut periarfissaqarnersoq maanna misissorpaat.

**Apeqqu 5: Ilinniartunut 280-inut kollegiani inissanut attartornissamut ukiuni 2019-2023 ukiumut 13,7 mio kr immikkoortinneqarsimasut AI2021-imi AI2022-milu konto pingaarnermi 40.90.15 takuneqarsinnaapput. Ilinniartunut 280-inut kollegiani inissanut attartornissamut ukiumut missiliuusiorfiusunut 2024-2025 ukiumut 6,8 mio kr aningaasaliissutigineqartut takuneqarsinnaavoq. Ilinniartut amerlaqataannut kollegiani inini amerlaqataannik attartortitsisinnaaneq akimigut affaanngorsinnaanera pillugu Naalackersuisut nassuiaateqaqquneqarput.**

**Akissut:** Naalackersuisut Nuummi ilinniartut inissiaat suliarineqartut ukiumi 2024-mi atulersinnaanissaat ilimagivaat. Taamaasilluni avataaniit inissianik attartuisarnermut aningaasartuutit annikillinissaat ilimagineqarpoq.

Konto pingaarnermi 40.90.15 missingersuutitut ilanngussanit M 2024 aamma M 2025-mi FL 2022 aamma M 2023-mut ilinniartunut aalajangersimasunut inissat assigiinnassagaat allaqqaneranni ajuusaarnartumik kukkuneq pineqarpoq.

Tamanna FFL 2023-p suliarineqarnerani aaqqinneqarumaarpoq.

Inussiarnersumik inuulluaqqusillunga

  
Peter Olsen